

րացվեցին: Հողերը նույնպես դուրս են գալիս նրանց իրավունքից: Մեկիքները մնացին սոսկ կալվածատերեր: Գյուղերում նստեցին համայնքից ընտրված տանտերներ՝ Բօխվանէր: Երբ նախկին մեկիքներից մի քանիսին առաջարկեցին պաշտոնները շարունակել որպես համայնքից ընտրված տանտերներ, նրանք՝ դա իրենց համար անպատվություն համարեցին և հրաժարվեցին⁴:

Ավելի ուշ, արդեն XIX դ. երկրորդ կեսում, Մեղրին էլ ենթարկվեց Գորիսում նստող գավառապետին և Զանգեզուր անունը տարածվեց նրա վրա էլ: Այսպիսով նախկին չորս գավառները՝ Բուճ Զանգեզուրը, Սիսիանը, Կապանն ու Մեղրին կազմեցին Գանձակի նահանգի միացյալ ընդարձակ գավառ (Зангезурский уезд Елисаветпольской губернии):

Այս դրությունը տեղեց մինչև Անդրկովկասի բաժանվելը առանձին հանրապետությունների, որոնց միջև բռնկեցին արյունալի ընդհարումներ սահմանագծերի որոշման համար ծագած վեճերի հետևանքով: Այս աղգամիջյան վեճերին վերց տվեց սովետական իշխանության հաստատումը, երբ ցարական ժամանակի ընդարձակ առումով Զանգեզուր կոչվող գավառը բաժանվեց երկու մասի—արևմտյան կեսը միացվեց Հայկական ՍՍՀ հանրապետությանը և պահպանեց Զանգեզուրի գավառ անունը, իսկ արևելյանը՝ Ադրբեջանական հանրապետության հետ: Սակայն այժմ էլ, երբ գավառը բաժանված է երեք վարչական շրջանների, Զանգեզուր անունը հասարակորեն վերապահված է հայկական կեսին, ցարական Զանգեզուրի արևմտյան հատվածին, որի սահմանները չեն գծվում այն որոշակի լեռնազրական բնական ուղղություններով, ինչ որ ցարական գավառը ուներ, երբ Զանգեզուրը ընդգրկում էր Զանգեզուր-Կոնդուր-Ալանգյազի և Ղարաբաղի լեռնաշղթաների ու Արաքսի տաշտի միջև գտնված ամբողջ տարածությունը, մի գրեթե հավասարակող եռանկյունի, որի հիմքն է Արաքսը իր փորած տաշտով, իսկ գագաթը՝ Ղարաբաղի հրաբխային բարձրավանդակի վրա նստած Զիլգյազ—2327 մ և Ալակալա—2340 մ լեռնագագաթները: Այս եռանկյունու մեջ սահմանը երկու հանրապետությունների միջև մինչև այսօր էլ մնում է աննշան ուղղումներով անփոփոխ՝ հատելով նրան հյուսիսից հարավ գրեթե երկրաչափական բարձրության գծով: Սահմանագիծն սկսվում է Զանգեզուրի շղթայի՝ Սառցալի (Սառլալի) գագաթից—3597մ, անցնում է Աղջկային կամ Մղուկ (Ղըզըլ-Բողազ)—3594 մ և Մեծ Իշխանասար (Մեծ Իշիխլի) Սուրբ Օհանես—3467 մ հրաբուխներով, կիսում է Սև լիճ (Կարագյուլ) գեղատեսիլ լեռնային լիճը և հասնում է այնտեղ, որտեղ Աղավնո, այժմ՝ Աղ-Օղլան գետին միանում է նրա օժանդակ Զաբուխչալ գետը: Այստեղից սահմանը մի փոքր տարածություն ընթանում է Հագարու գետի հոսանքով և ապա թեքվելով դեպի աջ՝ դիմում է հարավ, հասնում է Որոտան (Բազարչալ) գետին: Այստեղ Որոտան գետը խոտ գյուղից մի փոքր արևելք է և կոչվում է Բարգուշատ, սահմանը ուղղվում է Հագարու գետին գրեթե զուգահեռ մինչև Արաքս, թողնելով Ողջի (Օխլի) և Մավ (Բասուտ) գետերի վերին հովիտները Հայաստանի, իսկ ստորին հովիտները, նաև Զանգեղանի ստորադիր հովիտը, Աղըրբեջանի սահմանների մեջ: Արաքսի ափին միջհանրապետական սահմանը վերջանում է այն հովանդանի վրա, որտեղ գետը մի կոր գիծ է բաշտում Շահթախտ գագաթի տակով:

⁴ Գորիսի մեկիք Հարությունը. Հուսեյնյանների տոհմից:

⁵ Լալայեան Ե., Զանգեզուր, Թիֆլիս, 1899, էջ 11: